



Republika e Kosovës
Republika Kosova – Republic of Kosovo
ORGANI SHQYRTUES I PROKURIMIT
TELO ZA RAZMATRANJE NABAVKE
PROCUREMENT REVIEW BODY



Organi Shqyrtues i Prokurimit (OSHP) – Rruga Migjeni (ish Banka e Ljublanës), Kati V-të, Prishtinë, Kosovë
Tel: 383 38 312 309 email: oshp@rks-gov.net

RAPORTI I EKSPERTIT SHQYRTUES

Eksperti Shqyrtues	Data e pranimit të ekspertit	Date e dorëzimit të raportit	Nr. i lëndës
Blerina Huruglica	28.02.2024	11.03.2024	2024/0156

BAZA LIGJORE E SHQYRTIMIT

Me datën: 23.02.2024, **OE “AAG PROJEKT”- Prishtinë**, ka parashtruar ankesë me nr: **2024/0156**, kundër njoftimit për dhënie të kontratës ku është rekomanduar për kontratë **O.E Grup i Operatorëve Ekonomik DAJTING SH.P.K.; N.N.P. ATC COM SH.P.K.**, lidhur me aktivitetin e prokurimit: “**Ndertimi i objektit të ri të Gjinnazit Shkencor Bedri Pejani – RITENDER**” me nr. të prokurimit: “**635-23-10843-5-1-1**”, iniciuar nga Autoriteti Kontraktues (AK) – **KOMUNA E PEJES**.

Autoriteti kontraktues ka zbatuar procedurë të hapur, lloji i kontratës: punë, vlera e parashikuar e kontratës: **3,070,665.98 Euro per Vitin 2023,2024,2025**.

Lidhur me këtë lëndë është nxjerr një vendim i mëparshëm i OSHP - së, më Nr. 2023/1032 i dt:23.01.2024.

Konform nenit 113, 114 të Ligjit Nr. 04 / L - 042, i plotësuar dhe ndryshuar me Ligjin 04 / L - 237, Ligjin 05 / L - 068, dhe Ligjin 05 / L - 092, Eksperti Shqyrtues i ka shqyrtuar pretendimet ankimore të OE ankues.

DISPOZITAT E SHKELURA DHE PRETENDIMET ANKIMORE

Ligji për Prokurim Publik i konsoliduar

Neni 7 Barazia në Trajtim/ Jo- Diskriminimi;

Neni 24 Zyrtarët e Prokurimit gjatë Ushtrimit të aktiviteteve të prokurimit;

Neni 25.8 Trajnimi i Zyrtareve të Prokurimit

Neni 52 Njoftimi i kriterëve për dhënien e kontratës ;

Neni 59 Ekzaminimi, Vlerësimi dhe Krahësimi i Tenderëve;

Neni 69 Kapaciteti teknik dhe profesional;

Neni 71 Grupet e Operatorëve Ekonomik dhe Operatorët e Huaj Ekonomik;

Neni 105 – Kompetencat e OSHP-se

Neni 108/A Zgjidhja preliminare e mosmarrëveshjeve.

Neni 131 Shkeljet e Ligjit nga Autoriteti Kontraktues.

Rregullorja nr. 001/2022, për Prokurim Publik

Neni 16 – Regjistri përmbledhës i Prokurimit,

Neni 40 Ekzaminimi, Vlerësimi dhe Krahësimi i Tenderëve;

Neni 97 Shkeljet e Renda

Udhëzuesi për Prokurim publik 001/2023.

Neni 10 - Sqarimi i tenderëve gjatë procesit të vlerësimit të tenderëve

Te nderuar,

Me datën 09/02/2024, Autoriteti Kontraktues – Komuna Peje, ka publikuar njoftimin mbi vendimin e Autoritetit Kontraktues se bashku me letrat standarde ku është ri-rekomanduar për dhënie të kontratës grupi i operatoreve ekonomik “Dajing” Sh.P.K. & “NNP ATC COM” Sh.P.K, lidhur me Aktivitetin e Prokurimit “Ndërtimi i objektit të ri të gjinnazit shkencor Bedri Pejani” me nr. të prokurimit: 635-23-10843-5-1-1, përkundër faktit se me vendim të OSHP-se, është konstatuar se të nejtat kanë ofertuar si të papërgjegjshëm.

Pretendimi ankimore 1:

Grupi i OE-ve ankues, me datën 13.02.2024, ka parashtruar kerkese për ri shqyrtim të vendimit të AK-se, propozimit për dhënie të kontratës dhe ri rekomandimit për kontratë të grupit të OE-ve, të cilet Organi Shqyrtues i Prokurimit – Paneli Shqyrtues, me vendim i ka kualifikuar si të pa përgjegjshëm.

Sipas vendimit të AK-se të datës 15.02.2024, është refuzuar kerkesa jone si e pa bazuar përkundër faktit se ne si OE, kemi prezantuar fakte dhe dëshmi konkrete ku vërtetohet se janë prezantuar dokumente fiktive në oferte.

Autoriteti Kontraktues – Komuna Peje, fare nuk i trajton pretendimet dhe kerkesat tona madje të nejtat i manipulon dhe inkriminohet në veprime penale, të sanksionuara me Kod Penal të

Republikes së Kosovës, rrjedhimisht shkele dispozitat e nenit 108/A, të LPP-se, paragrafin 8 pika 4. “autoriteti kontraktues ka shqyrtuar vendimin e tij në kuptimin e asaj që kërkohet nga ankuesi”.

Autoriteti Kontraktues – Komuna Peje, zyrtaret përgjegjës të Prokurimit përfshirë edhe anëtarët e komisionit vlerësues të ofertave nuk i kanë shqyrtuar, pretendimet ankimore në kuptim të asaj që në si OE kemi kërkuar.

Në në kërkime për ri shqyrtim kemi prezantuar prova shkresore dhe dëshmi ku rezulton që është nderhyr fizikisht në dokumente siç janë certifikimet e prezantuara në oferte në emër të z. Arben Murseli, dhe numrat e certifikatave tregojnë për persona tjerë dhe jo për atë që është ofruar në oferte. Përkundër këtyre fakteve AK – Komuna Peje sipas, vendimit të datës 15.02.2024, mohon dhe prezanton prova tjera, përkatësisht ndryshun fizikisht dhe manipulon me dokumente të cilat janë prezantuar në oferte dokumente këto të cilat do të argumentojmë në pretendimet ankimore vijuese.

Pretendimi ankimor 2:

Autoriteti Kontraktues - Komuna Peje, përkatësisht, Zyra e Prokurimit së bashku me anëtarët e komisionit ri-vlerësues të ofertave, përmes këtij publikimi perseri kanë konsumuar shkelje ligjore të dispozitave të LPP-se nr. 04/L-042 të amendamentuar, madje kanë shkelur edhe vetë vendimin e Organit Shqyrtues të Prokurimit me nr. 1032/23 të datës 23/01/2024, të nxjerre pikërisht për këtë procedurë të prokurimit.

Bazuar në ankesën tërë të dt. 19/12/2023, të parashtruar, paraprakisht në OSHP, eksperti shqyrtues me dt. 05/01/2024, ka nxjerre raport dhe pretendimet tona ankimore i ka kualifikuar si të bazuara, madje në të njëjtin raport është konstatuar se grupi i OE-ve të cilët AK, e ka ri-rekomanduar për dhënie të kontratës, ka dorëzuar oferte të papërgjegjshme dhe atë lidhur me

- stafin e kualifikuar - Menaxherin e Projektit,
- Menaxherin e Punishtes,
- Lidhur me deklaratat për krijim të grupit të të njëjtes OE,
- Lidhur me stafin mbështetës, përkatësisht:
- Certifikimet e tyre si dhe me
- Pajisjet teknike të aplikuar për këtë procedurë të prokurimit.

Prove: Raporti i Ekspertes Shqyrtuese i datës 05.11.2024, me nr. 1032/2023.

Përkundër këtij fakti, AK dhe Zyra përgjegjëse e prokurimit, është pajtuar se grupi i OE-ve, të cilët perseri janë rekomanduar për dhënie, kanë dorëzuar oferte të papërgjegjshme, rrjedhimisht paneli shqyrtues i OSHP-se ka nxjerre vendim dhe AK – Komuna Peje, është obliguar që përgjate procesit të rivlerësimit të ofertave t’i respektoni në përpikëri të gjeturat e ekspertit shqyrtues.

Për këto veprime kundërligjore, AK – Zyra e Prokurimit si dhe anëtarët e komisionit rivlerësues vërtetë e vërtetë, jeni përgjegjës për mos respektim të vendimit të OSHP-se ashtu

siç percaktohet me nenin 97, pika d) dhe h) ku percaktohet:

d) Mos respektimi apo shkelja e parimeve themelore të prokurimit publik të percaktuar me LPP. Shkeljet e parimeve themelore përfshijnë, vendosjen e kriterëve apo dëshmime jo në përputhje me LPP apo përshtatjen për një ofertues të caktuar, trajtim jo të barabart të ofertuesve gjatë ushtrimit të procedurave të prokurimit, përveç specifikimit teknik që bie në përgjegjësinë e Njësisë së kërkesës.

h) Mos respektimi i vendimeve të OSHP-së

Prove: Vendimi i Panelit Shqyrtues i datës 23.01.2024, me nr 1032/2023

Pretendimi ankimor 3:

Sipas qasjes se kerkuar dhe te ofruar ne dokumentacion, përkatësisht sipas pergjigjes se dhënë nga grupi i OE-ve ndaj kerkeses për sqarim ku AK – Komuna Peje është bazuar ne te njejtat sqarime dhe ka ri rekomanduar për dhënie te kontratës grupin e OE-ve “Dajting & ATC Com” shpk, rezulton qe jo për te gjitha te gjeturat e eksperit është kerkuar sqarim dhe plotesim.

Ne si OE ankues edhe ne ankesen paraprake por edhe ne kerkese për ri shqyrtim e kemi prezantuar bazen ligjore dhe faktet tjera se nuk është kerkuar sqarim shtes për te gjitha pretendimet tona dhe te gjeturat ne ekspertize.

- AK- Komuna Peje, ofertën e grupit te OE-ve te ri rekomanduar për dhënie te kontratës, detyrimisht ka qene dashur ta eliminoni si te papergjegjshme, madje ta njoftoni organin shqyrtues te prokurimit, ne kuptim te nenit 99.2 te LPP-se dhe te kerkoni qe grupin e OE-ve te cilet perseri eshte rekomanduar për dhënie te kontratës, te diskualifikohen nga procedurat e prokurimit, pasice te njejtit ne ofertën e tyre kane dorezuar dokumente fiktive, mashtruese dhe te falsifikuara.

Grupi i OE-ve, te cilet perseri kunderligjeshem jane rekomanduar për dhënie te kontratës, ne oferte kane prezantuar deklarate nen betim ku përmes te njejtës kane marre përgjegjësi penale, civile dhe te njejtit vec e vec janë betuar se te gjithë dokumentacioni i dorezuar ne oferte është real.

Tani ne sqarimin e ofruar te njejtit OE vec e vec “Dajting”shpk dhe “ATC COM” Sh.P.K, vet e pranojne se ne oferte te tyre kane prezantuar dokumente fiktive dhe se ne shkresen e njejte, potencojne se kur te lidhet kontrata do t’a ndryshojne gjendjen e menaxherit te projektit dhe te menaxherit te punishtes, përkatësisht do ta ndryshojne gjendjen nga punetor jo te rregullt ne punetor te rregullt.

AK – Komuna Peje, këto pohime detyrimisht ka qene dashur t’i raportoni ne OSHP, dhe te kerkoj qe te veprohet ne kuptim te nenit 99.2 te LPP-se, ndaj te dy OE-ve vec e vec, mece te njejtit vet e konfirmojne se ne oferte kane prezantuar kontrata fiktive ku ne to pershkruhet se menaxheri i projektit dhe ai i punishtes janë te punesuar ne kompani perkatese me orar te plote dhe atë nga ora 8 deri ne 16.

Grupi i OE-ve ne ofertën e tyre kane prezantuar deklarata tatimore, kane prezantuar listën e stafit te ATK-se dhe ndaj te inxhinierëve potencohet se te njejtit ne kompanite perkatese nuk janë te punesuar te rregullt.

Dajting Shpk & ATC Com shpk, si menaxher të projektit kanë prezantuar z. Fisnik Sylaj

- Në oferte është prezantuar kontrata e datës 10.11.2015, e lidhur me punëdhënësin “Dajting”shpk, me orar prej 40 orë në javë, kurse në Listën e Punëtoreve (ATK) në emër të anëtarit “Dajting”shpk, z. Sylaj, rezulton që punën e ka sekondare tek OE “Dajting”shpk dhe jo si punëtor primare siç potencohet në kontratë.

Sipas kësaj, rezulton që janë prezantuar dokumente jo reale apo edhe fiktive përmes të cilave nuk është prezantuar gjendja reale, pasi që menaxheri i projektit është e pa mundur që të jete në marrëdhënie pune në dy lokacione të ndryshme përgjatë kohës së njëjtë.

- Prove lista se ATK-se e cila është e ngarkuar në sistem dhe të verifikoni një gjë të tillë si dhe ueb faqes se ATK-se, përmes numrave personal.

Ngjashëm është vepruar edhe me menaxherin e punishtës ku është prezantuar z. Skender Loshi. Në kontratën e lidhur me datën 03.01.2020, në nenin 4, përcakton se orari i punës me punëdhënësin – anëtarin e grupit “ATC Com” shpk është përcaktuar orari i punës prej 40 orë në javë apo nga ora 08 deri në 16. Sipas listës së Punëtoreve të ATK-se, të prezantuar në oferte, z. Loshi, rezulton të ketë pune sekondare me anëtarin e grupit ATC Com shpk. Pra edhe z. Loshi me punë primare është i deklaruar në institucion tjetër në cilësi të mësimit në Shkollë të mesme dhe jo me anëtarin e grupit ATC Com shpk, prandaj edhe kontrata e prezantuar në oferte e lidhur me z. Loshin do duhej të konsiderohej si fiktive dhe jo reale dhe si e tillë krijon alibi, meqë është e pa mundur që një person të jete i kontraktuar me pune primare në dy vende pune apo në dy lokacione të ndryshme.

- Prove mund të referoheni ueb faqes se ATK-se dhe rezulton që i njëjti si punë primare ka institucion tjetër, ngjashëm verifikimi mund të bëhet përmes numrit personal i prezantuar në oferte.

Prova – Fisnik Sylaj – Menaxheri i Projektit.

KONTRATË PUNE

E nënshkruar me datë 10 Nendor 2015 në mes të:

Sh.p.k. DAJTING, nga Prishtina Lagja Kalabria Objekti Dardha H-1/22, e regjistruar me NRB : 70883767, Nr. Fiskal: 600863270, (më tej e referuar si ‘Punëdhënësi’)

dhe

Fisnik Ukë Sylaj, me vendbanim në Kodrali, Deçan/Kosovë, dhe me numër personal 1004547493 (më tej e referuar si ‘I punësuar’)

Së bashku referohen si ‘Palët kontraktuese’.

Neni 5

1. I punësuar është I punësuar me orar të plotë.
2. Orari plotë gjatë javës është 40 orë.
3. Dita e rregullt e punës gjatë javës fillon të Hënë dhe mbaron të Premten duke filluar në orën 8:30 deri në orën 16:30.
4. Çdo ndryshim në orar sipas Paragrafit 3 të këtij neni duhet të komunikohet të punësuarit së paku një javë më parë.
5. I punësuar ka të drejtë 30 minuta pushim në ditë me pagesë gjatë orarit të punës.
6. I punësuar ka të drejtë të pushimit gjatë orëve jashtë orarit të punës dhe gjatë vikendit (Të

Prova – Skender Loshi – Menaxheri i Punishtes

KONTRATË E PUNËS
E lidhur në Kaqanik në mes të:

1. PUNËDHËNSI: "ATC COM SHPK" me seli në DOGANAJ, KAQANIK me Nr. të Biznesit 810198780, në cilësinë e Punëdhënësit (Në tekstin e mëtejshme: Punëdhënësi), në një anë dhe

2. I PUNËSUARI: Skender Loshi, lindur në Vranik-Suhareke, më: 06.06.1979, me vendbanim në Prishtinë.

Neni 1

VENDI I PUNËS: Punëtori themelon marrëdhënien e punës në vendin e punës (Punët dhe detyrat e punës): Injiner i Ndertimtarise-Konstruktiv.

Neni 2

Marrëdhënia e punës themelohet me kohë të pacaktuar ashtu që të drejtat, obligimet dhe përgjegjësit nga marrëdhënia e punës punëtori i realizon nga dita e fillimit të punës.

Neni 3

KOHË ZGJATJA E KONTRATËS: Marrëdhënia e punës nga neni 2 fillon prej dates 03.01.2020, dhe përfundon me pëlqimin e dya paleve nese eshte e nevojshme.

Neni 4

ORARI I PUNËS DHE PUSHIMET: Orari i punës së punëtorit zgjatë 40 Orë pune në javë, ne base te specifikave dhe obligimeve qe linden nga kompania, mirpo mund edhe mos te punon nese kompania nuk ka kontrata aktive.

*Punëtori gjatë orarit të punës ka të drejtë në pushim prej 1 ore për ushqim i cili shfrytëzohet nga punëtori në kohën kur përcaktohet se nuk e dëmton procesin normal të punës.

Pra grupi i OE-ve te cilët AK – Komuna Peje, ka rekomanduar për dhënie te kontratës ka prezantuar kontrata dhe prova fiktive te cilat nuk korrespondojnë me gjendjen reale, rrjedhimisht oferta e tyre ka qene dashur te eliminohet si e pa përgjegjshme dhe ne kuptim te nenit 7 dhe 59, te LPP-se, komisioni i vlerësimit te ofertave se bashku me zyrtarin përgjegjës te prokurimit barte përgjegjësi individuale.

Ne nenin 22 te Dosjes se tenderit te pjesa 2 e kontratës (Kushtet e Përgjithshme) përcaktohet:

22.1 AK do te emëroje Menaxherin e Projektit te caktuar ne KVK i cili do te jete përgjegjës për mbikëqyrjen e ekzekutimi te punëve gjate tere kohës, duke filluar nga dita e pare e fillimit te punëve e deri ne skadimin e periudhës garantuese te defekteve dhe për raportim te AK.

Menaxheri i projektit dhe menaxheri i punishtes sipas nenit 69, paragrafi 4, pika 3, te LPP-se, janë personel udhëheqës teknik dhe janë përgjegjës te drejtpërdrejte ndaj Autoritetit Kontraktues. Ne Republikën e Kosovës, me ligj te Punës dhe me ligjin për sektorin Publik orari i punës fillon ne ora 8 dhe përfundon ne ora 16.

Lidhur me Menaxherin e projektit dhe Menaxherin e Punishtes po ashtu ekzistojnë shume

vendime të nxjerra nga OShP ku qarte përcaktohet se Menaxheri i Projektit dhe Stafit tjetër kyç duhet të jete staf i rregullt i Kontraktuar nga Operatori Ekonomik.

- Ju si AK si prove paraprakisht keni pasur vendimin e OSHP-se me nr. 406/2023 por te njejtin e keni injoruar dhe nuk i jeni referuar.

Për me tepër për këtë qeshtje AK – Komuna Peje përgjatë ri vlerësimit të ofertave ka kërkuar sqarim për këtë qeshtje, ka pranuar sqarime nga grupi i OE-ve të ri rekomanduar për dhënie të kontratës dhe është potencuar se pas nenshkrimit të kontratës do të ndryshohet statusi i menaxherit të projektit dhe atij të punishtes ku nga sekondar do të kalohet në primar. Ky pohim paraqet ndryshim material dhe thelbesore të ofertës dhe për këtë qeshtje me patjeter AK – Do duhej të eliminonte ofertën e tillë por quditerisht inkriminohet edhe me thelle në shkelje bazike të dispozitave ligjore të LPP-se dhe jo vetëm.

Pretendimi ankimor 4:

Në përgjigjen e grupit të OE-ve të ri rekomanduar për dhënie të kontratës, përshkruhet dispozita ligjore e nenit 71.2 të LPP-se, lidhur me krijimin e grupit – konzorciumin, përderisa përmes kërkesës për sqarim AK – Komuna Peje, nga grupi i OE-ve të njëjte, nuk ka kërkuar fare sqarim shtesë lidhur me krijimin e grupit ku eksperti shqyrtues përmes raportit të ekspertizës, përkatësisht paneli shqyrtues përmes vendimit ka konstatuar se janë prezantuar deklarata për krijimin e grupit – konzorciumit në mënyrë të kundërligjshme, përkatësisht dy deklarata të ndryshme – variante dhe nuk dihet se cili nga dy anëtarët e grupit është lider. Në njërin anë si lideri i grupit është caktuar OE “Dajting” shpk, në anën tjetër OE “ATC Com shpk.

- Deklarata e tillë nuk i plotëson kushtet ligjore të nenit 71, të LPP-se dhe nenit 26, par. 1, pikat a,b,c dhe d, të RRPP-se, nr. 001/2022 dhe AK, detyrimisht ka qenë i obliguar ta eliminoi të njëjtën ofertë si të pa përgjegjshme pasi që:

Neni 10 i Udhëzuesit nr. 001/2023, sqarimi i tenderit gjatë procesit të vlerësimit sqaron rastet kur dhe si AK mund të kërkojë plotësim të dokumentacionit:

- Nëse mungon deklarata e qarte ku të gjithë anëtarët e grupit janë bashkërisht dhe individualisht përgjegjës, tenderi duhet të refuzohet pasi që ky është kusht administrativ.

Prove: deklarata:

DEKLARATË

Në mes të:

1. "DAJTING"SH.P.K. me Çertifikatë të Regjistrimit Nr: 810820086 e përfaqësuar nga z. Fisnik Sylaj, Drejtor .
2. "ATC COM"SH.P.K. me Çertifikatë të Regjistrimit Nr: 811198780 e përfaqësuar nga z. Arben Murseli, Drejtor .

Ne poshtë të nënshkruarit si përfaqësues të grupit-konzorciumit për tenderin:

Titulli : Ndertimi i objektit te ri te Gjinnazit Shkencor Bedri Pejani – RITENDER

Nr. Prokurimi: 635-23-10843-5-1-1

Palët janë pajtuar që bartës i projektit të jetë partneri udhëheqës "ATC COM "SH.P.K. i cili autorizohet që të firmosë të gjitha dokumentet e nevojshme në lidhje me tenderin dhe kontratën.

Palet e marreveshjes:



AK – Komuna Peje, zyra e Prokurimit, me rastin e plotësimit te te njëjtës deklarate përgjatë procesit te vlerësimit te ofertave ka shkelur dispozitat ligjore, siç është nenit 7 dhe 59.2 i LPP-se, përkatësisht nenit 10 te Udhëzuesit për Prokurim publik, pasi qe ka munguar deklarata e qarte e grupit dhe ka pranuar plotesim te dokumentacionit i cili nuk ka ekzistuar me rastin e ofertimit, përkatësisht oferta e grupit te ri rekomanduar për kontrate ka pesuar ndryshim material, ne kundërshtim me nenin 59 te LPP-se.

AK – Komuna Peje, fare mire eshte ne dijeni për deklarata te tilla ku është konstatuar gjendja reale dhe përmes procesit te rivlerësimit te ofertave por quditerisht është anashkaluar ky fakt.

Pretendimi ankimore 5:

Grupi i OE-ve te rekomanduar për dhënie te kontratës, nuk kane prezantuar dëshmi lidhur me kërkesën tjetër kualifikuese, ku ne piken 4 te kërkesës 9.1 & 9.2, AK – Komuna Peje, ka kërkuar një person te certifikuar – diplomuar për kulme te rrafshëta.

Sipas përgjigjes së dhënë nga grupi i OE-ve ndaj kërkesës për sqarim dhe të trajtuar si të mirecena nga AK, shihet qarte se OE-te e ri rekomanduar për dhënie të kontratës janë të papërgjegjshëm lidhur me certifikimin – diplomimin e personit për kulme të rrafshita ku tentohet perseri të manipulohet me prova shkresore dhe nuk prezantohet kurrfare deshmie lidhur me certifikimin e tilla dhe AK në kundërshtim me nenin 59 dhe 72 të LPP-së pranoi dokumentacion shtesë të paqene në oferte dhe pranimi i dokumenteve të tilla pas hapjes së ofertave është i ndaluar sipas LPP-së dhe paraqet ndryshim material të ofertës.

Madje sipas Agjencisë Shqiptare të Punesimit – ASHP, përkatësisht bazuar në uebfaqen e tyre (<https://ashp.al/te-gjitha-kurset/>), rezulton që i njëjti Agjencion fare nuk certifikon persona tilla lidhur me hidroizolimet të ftohta dhe të ngrohta, përkatësisht kulme të rrafsheta. Rrjedhimisht, kjo certifikatë është fiktive sipas uebfaqes dhe AK bazuar në nenin 59 dhe 72 të LPP-së do duhej të kerkonte sqarim dhe ta eliminonte ofertën e tilla.

Përkundër kësaj AK – Zyra e Prokurimit, bëhet pjesë e manipulimit me prova shkresore dhe konsumon shkelje bazile të dispozitave ligjore dhe nenligjore, madje veprimet e tilla konsiderohen si shkelje të rënda në LPP, bazuar në pikën b) të nenit 97, të RRPP-së, nr. 001/2022.

AK – Komuna Pejë dhe zyrtarët përgjegjës të prokurimit certifikatat e tilla dhe të kontestuarat ka qenë dashur t'i prezantojnë tek Agjencioni Shqiptarë i Punesimit si organ ku pretendohet se janë nxjerre certifikatat dhe të kërkohej nëse i njëjti organ i ka nxjerre të njëjtat certifikime, përkatësisht certifikatën e prëranuar në emër të z. Liman Murseli është reale.

Pretendimi ankimore 6:

Grupi i OE-ve të rekomanduar për dhënie të kontratës përkatësisht lideri i grupit OE “Dajting” Shpk, në shkresë të lëndës ka bashkangjitur referencën në emër të inxhinierit të elektroteknikës z. Hysen Gashi, ku është lëshuar në cilësi të punëve paraprake të realizuara por i njëjti nuk është i deklaruar si i punësuar tek OE “Dajting” shpk, prandaj kjo referencë do duhej të trajtohej si dokument fiktiv – jo real dhe do të duhej të eliminohej si oferte e pa përgjegjshme ligjrisht.

Edhe pas ofrimit të sqarimit lidhur me këtë çështje nga grupi i OE-ve të ri rekomanduar për dhënie të kontratës, nuk ofrohet kurrfare deshmie se z. Hysen Gashi, është pjesë e stafit të anëtarit të grupit, nuk është prezantuar kurrfare kontratë apo dëshmi tjetër dhe si e tilla do të duhej të eliminohej si e papërgjegjshme oferta e tyre bazuar në kërkesat e përcaktuara në dosje të tenderit dhe në njoftim për kontratë, përkatësisht sipas pikës 9.1 dhe 9.2, pozicioni 2.6, dhe deshmisë dokumentare ndaj kësaj kërkesë, ku qarte është përcaktuar që: OE duhet të prezantojë dëshmi kontratë valide; parakontrata noteriale me vertetim – nënshkrim të noterit; diplome të noterizuar – certifikatë të noterizuar (për inxhinierat që kërkohej). Certifikata e prezantuar tani pas sqarimeve të ofruara nuk përmban noterizim e as nuk është prezantuar kontratë.

Noterizimi i prezantuar në vendimin e AK-së, kundërshtojë kërkesën sonë për ri shqyrtim është noterizim për tjetër dokument dhe jo për dokumente të kontesura.

Ngjashëm është vepruar edhe lidhur me inxhinierin z. Rrahman Safedini, ku në shkresë të lëndës nuk është prezantuar ndonjë referencë për punë paraprakisht të realizuara, rrjedhimisht

nuk e plotëson kërkesën dhe deshmive e përcaktuar tek kërkesat e kapacitetit teknik dhe profesional ku ne piken 9.1 dhe 9.2 të FDT-se është kërkuar CV, reference, përkatësisht përvoja e punës sipas periudhës së përcaktuar.

Edhe për z. Rrahman Safedini, nga grupi i OE-ve të ri rekomanduar për dhënie të kontratës, në përgjigje ndaj kërkesës për sqarim, vet përshkruhet kërkesa kualifikuese dhe deshmia dokumentare në njërën anë ku qartë në dosje të tenderit është kërkuar “një pasqyre tabelare e punetoreve dhe personelit, është kërkuar profesioni i kërkuar si dhe eksperiencia duhet të dorëzohet në origjinal, e nënshkruar dhe vëlosur nga operatori ekonomik”. Ky tekst vet shkruhet nga grupi i OE-ve të rekomanduar për dhënie dhe në anën tjetër potencohet se nuk është kërkuar CV dhe as reference, prandaj bazuar në shkresë të lëndës dhe dëshmitë e prezantuar ndaj të njëjtit nuk është prezantuar kurrfarë deshmie mbi eksperiencën, mbi profesionin apo dëshmi tjetër përmes të cilave mbulohet kërkesa kualifikuese e përcaktuar në DT dhe e manipuluar përmes sqarimit – përgjigjes ndaj kërkesës për sqarim nr. 4. Në ofertën e grupit të OE-ve të rekomanduar për dhënie të kontratës. z. Arben Murseli, është prezantuar në cilësi të drejtorit të anëtarit “ATC Com” shpk, sipas certifikatës së ARBK-se, është nënshkruar deklarata nën Betim, në emër të tij në cilësi të Drejtorit të kompanisë, ndërsa tek lista e stafit mbështetës i njëjti është prezantuar në cilësi të Personit të certifikuar për drenazhim të dheut dhe për trajtim të mbetjeve të rrezikshme inerte, është prezantuar si person i certifikuar për siguri dhe shëndet në punë në cilësi të menaxherit, ndërsa sipas kontratës së datës 01.05.2021, së lidhur me vetveten rezulton që z. Arben Murseli është i kontraktuar me OE “Atc Com” shpk, me kualifikimet si :Ekonomist, gjeodet, person i certifikuar për armim, drenazhim, mbrojtje inerte dhe menaxher i punishtës.

Këto dëshmi bien ndesh me kërkesat e përcaktuara në dosje të tenderit dhe në njoftim për kontratë pasi që AK- Komuna Peje, për secilën pozitë dhe pozicion ka kërkuar staf veç e veç dhe jo kualifikime gjithë përfshirëse, prandaj AK, detyrimisht ka qenë dashur që të njëjtën ofertë ta eliminojë meqë kemi të bëjmë edhe me konflikt të interesit të përcaktuar me nenin 4 të LPP-se.

Për këtë çështje OSHP ka nxjerrë vendime ku ka konstatuar se për secilën pozite të kërkuar duhet të prezantohet individ – person i vecantë.

Si prove mund t'i referoheni vendimit me nr. 628/22.

Për më tepër, argumentimi i deshmive dhe shkresave fiktive – manipulative dhe të falsifikuara konstatohet përmes ueb faqes <https://www.wqrcert.com/sorgulama.php>, sipas numrit të përshkruar në certifikatë: 20022743 ku përshkruhet se Arben Murseli është i certifikuar për drenazhim të dheut dhe certifikimi i tillë ka qenë i vlefshëm deri me datën 26/02/2021. Për më tepër shih proven e mëposhtme. Ky organi është i pa akredituar dhe atë i konstatuar si me poshtë:

Raporti i ekspertit shqyrtues, lidhur me ankesën e parashtruar nga OE “AAG PROJEKT”, lidhur me aktivitetin e prokurimit “Ndertimi i objektit të ri të Gjinnazit Shkencor Bedri Pejani – RITENDER” me numër të prokurimit: “635-23-10843-5-1-1, të iniciuar nga Autoriteti Kontraktues (AK) – KOMUNA E PEJES

Kërkimi i certifikatës

Futni numrin e certifikatës.

5 + 3 = ?

Titulli Arben Murseli

Standard Certifikimi i personelit

Fushëveprimi Shërbimi i certifikuar për kullimin e dheut

* SG Person i Certifikuar për Drenazhim të Dheut

Numri i 20022743

Certifikatës

Data e lëshimit 27.02.2020

Data e fundit e printimit 27.02.2020

Data e 26.02.2021

vlefshmërisë

Data e 26.02.2023

përfundimit

Akreditimi të paakredituara

Statusi i Aktiv

Dokumentit

Abuzimi me prova shkresore dhe falsifikimi i dokumenteve gjithashtu shperfaqet ne rastin e poshte-prezantuar:

- Sipas sqarimit te ofruar kundrejte kerkeses se AK-se, për sqarim ne emer te z. Arben Murseli, është prezantuar certifikata me nr. 19100436 ku nga ta potencohet se WQR (World Quality Registrar) ka leshuar certifikate ne emer te te njejtit dhe potencohet se personi është certifikuar për trajnimin e mbetjeve (mbeturinave te rrezikshme).
- Për krahasim, ju prezantojme certifikaten e prezantuar OE i ri-rekomanduar nga AK – Komuna Peje.

Raporti i ekspertit shqyrtues, lidhur me ankesën e parashtruar nga OE “AAG PROJEKT”, lidhur me aktivitetin e prokurimit “Ndertimi i objektit të ri të Gjinnazit Shkencor Bedri Pejani – RITENDER” me numër të prokurimit: “635-23-10843-5-1-1, të iniciuar nga Autoriteti Kontraktues (AK) – KOMUNA E PEJES



Ne si OE për te verifikuar te njejten, kemi kerkuar certifikimin sipas numër te certifikates 19100436, rezultati del se ky dokument është fiktiv dhe bartes i kesaj certifikate figuron tjetër person përkatësisht znj. Suzana Gjokutaj dhe jo Arben Murseli.

Raporti i ekspertit shqyrtues, lidhur me ankesën e parashtruar nga OE “AAG PROJEKT”, lidhur me aktivitetin e prokurimit “Ndertimi i objektit të ri të Gjinnazit Shkencor Bedri Pejani – RITENDER” me numër të prokurimit: “635-23-10843-5-1-1, të iniciuar nga Autoriteti Kontraktues (AK) – KOMUNA E PEJES

The screenshot shows the WQR (World Quality Register) website. The main heading is "Kërkimi i certifikatës" (Certificate Search). Below it, there is a search bar with the placeholder text "Futni numrin e certifikatës." and a dropdown menu showing "7 + 5 = ?". A red box highlights the search results for the certificate number 19100436. The results are as follows:

Titulli	Suzana Gjokutaj
Standard	Certifikimi i personelit
Fusheveprimi	SHËRKËPËT për Ndihmën e Parë dhe Ndërhjergjen në Emergjencë
	*SQ: Ky trajnim roli dhe përgjegjësitë sipas zbatimit shqiptar
Numri i	19100436
Certifikatës	
Data e lëshimit	04.10.2019
Data e fundit e	04.10.2019
printimit	
Data e	03.10.2020
vlefshmerisë	
Data e	03.10.2022
përfundimit	
Akreditimi	të paakredituara

Ky është argumenti se grupi i OE-ve të ri-rekomanduar nga AK përveç tjerash edhe këtë dokument e ka falsifikuar, madje sipas nr. të certifikatës rezulton që kemi të bëjmë me certifikatë të Suzana Gjokutaj e jo të z. Arben Murseli, të lëshuar nga Institut i pa-akredituar. Rrjedhimisht kemi të bëjmë edhe me certifikim – fusheveprim krejt tjetër nga ai i prezantuar me sqarimet shtese.

AK – Komuna Peje, zyra e prokurimit, të gjitha këto prova dëshmi dhe fakte të moshon, të manipulon dhe nuk të raporton ashtu siç obligohet me dispozita ligjore dhe behet pjese e manipulimeve dhe me këto veprime inkriminohen edhe ne veprime penale siç është keqpërdorimi në prokurim publik dhe keqpërdorimi të detyres dhe autoritetit zyrtar të sanksionuar me KPK.

Pretendimi ankimore 7:

AK – Komuna Peje, tendencen qëllimin të caktuar dhe shkeljen të parimeve të baze të prokurimit publik e ka shpërfaqur për faktin se raporti i ri vlerëimit të ofertave përmban datën 25.01.2024, ndërsa kërkesa për sqarim të tenderit referuar grupit të OE-ve të ri-rekomanduar për dhënie të kontratës përmban datën 31.01.2024, përderisa përgjigja e dhënë nga OE të ri-rekomanduar për dhënie të kontratës nuk përmban date fare.

Ky fakt AK – Zyren e Prokurimit se bashku me anëtarët e komisionit vlerësues të ofertave do

duhej ta bene përgjegjës për abuzues me dispozita ligjore.

Raporti i vlereimit të ofertave bazuar në nenin 16 paragrafi 2 të RRPP-se nr. 001/2022. Regjistri përmbledhës i prokurimit, parashf rrjedhën e procesit dhe veprimet të cilat duhet të ndërmerren nga AK përkatës, rrjedhimisht nuk mund që fillimisht të nxjerrret raport rivlerësues, pastaj të kërkohej sqarim shtesë.

- Përfundimisht, bazuar në provat dhe faktet e prezantuara si më lart Grupi i OE-ve ankues, vlerëson se AK – Komuna Peje, edhe përgjatë ri vlerësimit të ofertave ka shkelur dispozitat ligjore, është inkriminuar në vepra penale dhe nuk i ka raportuar, përkatësisht nuk i ka sqaruar dokumentet të cilat duket të jenë fiktive dhe nuk është kërkuar konfirmim nga organi përmes të cilit supozohet se janë nxjerre të njëjtat certifikime, prandaj grupi i OE-ve ankues, kërkon që ekspertit shqyrtues, bazuar në dispozitat e nenit 113 dhe 114 të LPP-se, të ndërmerr të gjitha veprimet ligjore të konfirmoj vertetesin e dokumentacionit dhe t’i prezantoi të gjitha faktet dhe dëshmitë para panelit shqyrtues në atë mënyrë që OSHP të nxjerre këtë:

U R D H E R E S E

- **Te APROVOHET** si e bazuar në tërësi ankesa,
- **Te Urdherohet AK – Komuna Peje**, që të kthejë lender në Rivleresim,
- **Te shqiptohet GJOBE ndaj AK – Komuna Peje**, në kuptim të nenit 105, par 2.16, të LPP-se, për mos zbatim të vendimit me nr. 1032/2023.

Kompania jone është në proces të sipër të hartimit, argumentimit dhe klasifikimit të provave dhe deshmive tjera, përmes të cilave vertetohet se është keqpërdorur pozita dhe autoriteti zyrtar dhe është tentuar të realizohet mashtrimi në prokurim publik, nga zyrtaret përgjegjës të AK – Komuna Peje.

KRITERET PËR VLERËSIM

--

Kërkesat mbi gjendjen ekonomike dhe financiare	8.1 & 8.2	Kapaciteti ekonomik dhe financiar: Kërkesa 1 Operatori ekonomik duhet ti ofrojë dëshmi të kënaqshme Autoritetit Kontraktues se qarkullimi vjetor i Operatorit Ekonomik, gjat tre vite të fundit financiare duhet te jet jo më pak se 2.500.000.00 Euro. Në rast të grupit Udhëheqësi duhet ti ketë së paku 60% të shumës së kërkuar të qarkullimit vjetor për 3 vitet e fundit.	Dëshmia e kërkuar dokumentare: Dëshmia 1 Deklaratat e dorëzuara në Administratën Tatimore të Kosovës apo ne vendin e themelimit apo Kopjet e raporteve financiare dhe raporteve të menagjimit të certifikuara nga një firmë e njohur e licencuar për <u>kontrollim</u> apo një auditor i licencuar i pavarur
		Kërkesa 2 Kapital të mjaftueshëm për realizimin e kontratës, mjete të gatshme	Dëshmia 2 Dëshmia nga banka, jo më e vjetër se 6 muaj.
		në llogari, ose akses në kredi, apo limit kreditor, në vlerë 300,000.00 euro.	Dëshmia mund të mos jetë në emër të projektit por që e dëshmon se keni mjete të gatshme në bankë ose linjë kreditore (limit kreditor) të aprovuar në vlerën e kërkuar.
	9.1 & 9.2	Kapaciteti teknik dhe profesional: Kërkesa 1 Operatori ekonomik apo grupi i OE, duhet të ofrojë dëshmi se ka përfunduar me sukses kontrata për punë të ngjashme (ndertim i larte) në tri vitet e fundit nga data e publikimit te këtij njoftimi për kontratë - në vlerën minimale prej 1,500,000.00 euro.	Dëshmia e kërkuar dokumentare Dëshmia 1 Lista e kontratave të realizuara (përfunduara) të natyres se ngjajshme ne tri vitet e fundit nga data e publikimit te njoftimit për kontratë, të bashkangjitura me kopje te referencave apo certifikatave, raporteve te pranimeve në vlerën e kërkuar.

Kërkesat mbi mundësitë teknike dhe/ose profesionale		<p>Kërkesa 2</p> <p>Lista e stafit profesional.</p> <p>2.1) Menaxheri i projektit - OE duhet te dëshmoj se ka një inxhinier te diplomuar ose master Drejtimi Konstruktiv, kërkohet te ketë min. 5 vite përvojë pune – angazhime profesionale pas diplomimit.</p> <p>2.2) Menaxheri i punishtes - OE duhet te dëshmoj se ka një inxhinier te diplomuar ose <u>master ,Drejtimi Konstruktiv</u>, kërkohet te ketë min. 5 vite përvojë pune – angazhime profesionale pas diplomimit.</p> <p>2.3) OE duhet te deshmoj se ka nje inxhinjer te diplomuar te ndertimtarise, drejtimi konstruktiv. Kerkohet te kete min 5 vite pervoje pune - angazhim profesional.</p> <p>2.4) OE duhet te dëshmoj se</p>	<p>Dëshmia 2</p> <p>Dëshmia për kërkesën 2.1-2.2-2.3-2.4-2.5-2.6-2.7-2.8-2.9-2.10-2.11 -Stafin profesional.</p> <p>-Një pasqyrë tabelare të puntorëve dhe personelit të kërkuar Emrin, mbiemrin, profesioni i kërkuar si dhe eksperiencia duhet të dorëzohet në origjinal e nënshkruar dhe e vulosur nga Operatori Ekonomik.</p> <p>Per stafin e <u>kerkuar</u> <u>prezentuar</u> duhet te dorezohen keto dokumente e deshmi</p> <p>-Kontratat valide kopje per stafin i cili gjendet ne liste te pagave se paku ne 6 muajt e fundit.</p> <p>-Parakontrate noteriale me vërtetim nënshkrimi te noteri ku specifikohet qartë angazhimi për këtë projekt, per stafin i cili nuk gjindet ne liste te pagave se paku ne 6 muajt e fundit.</p> <p>-Vendimi me shkrim për</p>
---	--	--	--

	<p>ka një <u>inxhinier te diplomuar ose master Drejtimi Mbrojtje e Mjedisit</u>, të jetë i certifikuar nga Ministria e Mjedisit dhe Planifikimit Hapsinor të Republikës së Kosovës për Mbrojtje të Mjedisit, , kërkohet te ketë min. 5 vite përvojë pune –angazhime profesionale pas diplomimit.</p> <p>2.5) OE duhet te dëshmoj se ka një inxhinier te diplomuar ose master Elektroteknikes, drejtimi Energjetike (jo bachelor), kërkohet te ketë min. 5 vite përvojë pune –angazhime profesionale pas diplomimit.</p> <p>2.6) OE duhet te dëshmoj se ka një inxhinier te diplomuar ose master Elektroteknikes, Drejtimi Elektronike. Kërkohet te ketë min. 5 vit përvojë pune –angazhime profesionale.</p>	<p>caktimin e menaxherit të projektit.</p> <p>-Vendimi me shkrim për caktimin e menaxherit të punishtes.</p> <p>-Diploma e noterizuar. – certifikata e <u>noterizuar</u> (per ata inxhinier që kerkohen).</p> <p>Sqarim: Ak mund të kërkoj për secilin dokument edhe dëshmi fizike.</p> <p>Aty ku thuhet pervoja e punes, gjithmon pervoja llogaritet per vitet pas diplomimit.</p> <p>Nëse shkollimi është kryer jashtë Kosovës duhet diploma të jetë e nostifikuar konform ligjeve në fuqi të Republikës së Kosovës.</p>
--	---	--

	<p>2.7) OE duhet të dëshmojë se ka një Inxhinier të Arkitektures Kërkohej të ketë min 5 vite përvojë pune në fushën e projektimit.</p> <p>2.8) OE duhet të dëshmojë se ka një inxhinier apo master të diplomuar të Makinerisë, kërkohej të ketë min. 5 vite përvojë pune – angazhime profesionale.</p> <p>2.9) OE duhet të dëshmojë se ka një <u>inxhinier të diplomuar ose master Drejtimi Hidroteknikë</u>, kërkohej të ketë min. 5 vite përvojë pune –angazhime profesionale pas diplomimit.</p> <p>2.10) OE duhet të dëshmojë se ka një <u>inxhinier të diplomuar ose master Drejtimi Gjeodezi</u>, i licencuar me licence valide, kërkohej të ketë min. 3 vite</p>	
	<p>përvojë pune –angazhime profesionale pas diplomimit.</p> <p>2.11) Një (1) Inxhinier i Emergjencave - min. 5 vjet përvojë pune <u>pas diplomimit</u>.</p>	
	<p>Kërkesa 3</p> <p>Raporti i vlerësimit të riskut në vendet e punës, nga një kompani e licencuar nga Ministria e Punës dhe Mirëqenies Sociale, për Siguri dhe shëndet në punë.</p>	<p>Dëshmia 3 Kopja e raportit të vlerësimit të riskut në vendet e punës, kopja licencës së kompanisë së licencuar për ushtrimin e punëve nga siguria dhe shëndeti në punë.</p>

	<p>Kërkesa 4</p> <p>Lista e stafit mbështetës të angazhuar në projekt; Një listë prej së paku Minimum 20 puntorë, minimum 10 puntorë duhet të jenë të certifikuar për siguri në punë (për shkak të natyrës së rrezikshmërisë së punës).</p> <p>Minimum <u>1 person</u> të certifikuar për kranist (vinç).;</p> <p>Minimum 2 persona të certifikuar për armim.;</p> <p>Minimum <u>1 person</u> të certifikuar për drenazhim të dheut dhe për trajtimin e mbetje të rrezikshme inerte.;</p> <p>Minimum <u>1 person</u> të certifikuar për kanalizim.;</p> <p>Minimum <u>1 person</u> të certifikuar për elektroinstalues.;</p> <p>Minimum 2 persona të certifikuar për latues.;</p> <p>Minimum 1 persona të certifikuar për saldues.;</p> <p>Minimum <u>1 person</u> te certifikuar/diplomuar per</p>	<p>Dëshmia 4 Lista e puntorëve e vulosur dhe nënshkruar. Kontratat e punës ose parakontrata në emër të projektit kopje. Kopja e <u>certifikatave</u> <u>diplomave</u> për personat e certifikuar.</p>
--	---	---

		<p>punim me pllaka te keramikes dhe Granitit.</p> <p>Minimum 1 persona të certifikuar/diplomuar për kulme te rrafshta.</p> <p>Minimum 1 persona të certifikuar per dhenjen e ndihmes se pare.</p> <p>Minimum 1 persona të certifikuar per vedijesim per zjarrin dhe trajnimi per zjarrfikjen me aparate zjarrfikese.</p>	
--	--	--	--

	<p>Kërkesa 5</p> <p>Operatori Ekonomik duhet te posedoje mjetet, <u>stabilimentet dhe</u> pajisjet teknike që janë te domosdoshme për realizimin e projektit, Paisjet dhe mekanizimi i obligueshëm sipas tabelës ne Aneksin 1 te DT</p>	<p>Dëshmia 5 Dëshmi mbi pronësinë (apo marrëveshje të marrjes me qira) të mjeteve, librezat e qarkullimit, ndersa per ato mjete që nuk kanë librezat të qarkullimit Deklaratat unike doganore apo fatura. Vëmendje! Ne rast se OE nuk posedon pajisjet mbi pronësinë duhet te ofroj marrëveshjen për marrjen me qira të pajisjeve. Marrëveshja duhet të jetë në emër të këtij projekti me validitet të kohëzgjatjes të kësaj kontrate e nënshkruar dhe vulosur nga te dyja palët.</p>
--	---	--

INFORMACIONET SHITESË TË MARRA ME ANË TË SQARIME TË KËRKUARA NGA EKSPERTI SHQYRTUES/TEKNIK

N/A

VLERËSIMI SIPAS NENIT 4.1.26 TË LPP

N/A

VENDIMET E MËPARSHME TË OSHP LIDHUR ME RASTET E NGJASHME

N/A

ARSYETIMI PËR DEVIJIM NGA PRAKTIKA E MËPARSHME

N/A

PËRGJIGJE NË PRETENDIMET ANKIMORE TË OE ANKUES - AAG PROJEKT

Fillimisht sqarojmë se, eksperti shqyrtues konform neni 113 dhe 114 të LPP-së, është i obliguar që ti shqyrtoj të gjitha pretendimet ankimore të parashtruara në ankesë, duke konstatuar gjendjen, se si, secili pretendim mund ose duhet të trajtohet/korrigjohet tutje, duke rekomanduar panelin shqyrtues me rekomandim përfundimtar.

Tutje,

Pretendimi i parë i OE ankues:

Ekspertja shqyrtuese sqaron se, në rastin konkret, pretendimi lidhur me deklaratën dhe marreveshjen e konzorciumit të cilat nuk përkojnë me njëra tjetrën, sipas vlerësimit të ekspertes, sqarimi i tyre paraqet ndryshim material, për faktin se është kusht administrativ, andaj sipas mendimit të ekspertes kjo pike e kualifikon OE të rekomanduar si të papërgjegjshëm.

Konform nenit 59 par. 2 të LPP-së, citat:

"2. Autoriteti kontraktues mundet që me shkrim të kërkojë nga një tenderues që të sigurojë një sqarim me shkrim mbi cilindo nga aspektet e tenderit të tij, në mënyrë që të bëhet ekzaminimi,

vlerësimi ose krahasimi i tenderëve. Asnjë ndryshim material dhe asnjë aspekt i tenderit nuk duhet të kërkohej ose pranohet nga autoriteti kontraktues ose të ofrohet nga një tenderues"

exp. nr. 1032/23:

Ekspertja Shqyrtuese lidhur me pretendimin e tretë sqaron, në ofertën e GOE të rekomanduarit, në folderin 1.0, gjenden **marrëveshje bashkëpunimi**, në të cilën lidhet konzorciumi dhe tek neni 2 palët janë pajtuar që bartës i projektit të jetë partneri "Dajting" SHPK, i cili autorizohet që të firmosë të gjitha dokumentet në lidhje me tenderin dhe kontratën, gjerësisht **tek deklarata** e bashkangjitur deklarohen se palët janë pajtuar që bartës i projektit të jetë partneri "ATC COM" SHPK i cili autorizohet që të firmosë të gjitha dokumentet në lidhje me tenderin dhe kontratën, si e tillë deklaratat nuk përkohet me njëra tjetrën, përkundrazi që AK ka kërkuar sqarim dhe tutje OE i rekomanduar ka bashkangjitur në e-prokurim deklaratën e përmirësuar, mirëpo kjo deklaratë tani paraqet ndryshim material në ofertë, për faktin se ka përmirësime në dokument, andaj **pretendimi i OE ankues gjendet i bazuar.**

Në raportin e ekspertizës me nr.1032/23, kam rekomanduar që lënda të kthehet në rivlerësim, si rrjedhojë AK është pajtuar plotësisht me rekomandimin, pa dhënë ndonjë koment shtesë, se nëse nuk pajtohet për ndonjë pikë brenda pretendimeve, konform rregullores për prokurim publik nr.001/2022 neni 67 par. 3 dhe 4, dhe nenit 115 të LPP-së, gjerësisht AK kthen lëndën në rivlerësim, duke ri rekomanduar të njëjtin OE.

Rrpp nr. 001/2022 neni 67.3 dhe 67.4:

"67.3 Nëse, në vendimin e tij, autoriteti kontraktues konstaton se pretendimi ose të gjitha pretendimet janë të vlefshme, dhe ankuesi nuk ka refuzuar, Autoriteti Kontraktues, brenda 5 ditëve ose kohës së lejuar nga eksperti, do të ndërmerr çfarëdo veprimi korrigjues të rekomanduar nga eksperti.

67.4 Nëse, brenda afatit kohor të specifikuar, autoriteti kontraktues nuk e nxjerr vendimin që e refuzon ose e mohon vlefshmërinë e një pretendimi ose që nuk e vlerëson fare vlefshmërinë e një pretendimi, ankesa do t'i referohet panelit shqyrtues. "

Pretendimi i dytë OE ankues:

Ekspertja shqyrtuese shpjegon se, në pretendimet ankimore ka dhënë përgjigje për secilin pretendim dhe menyrën se si mund të trajtohen të njëjtat. Në ankesën 1032/23 disa pretendime kanë qenë të aprovuara si pjesërisht, duke sqaruar se si të njëjtat mund të sqarohen.

Mirëpo, AK po që se sheh se operatori ekonomik nuk i përmbush kërkesat e dosjes së tenderit përkatesisht kushtin administrativ, atëherë nuk ka nevojë që të vazhdoj tutje të sqarohet, për faktin se, AK është pajtuar plotësisht me raportin, si e tillë operatori ekonomik veçse kualifikohet si i papërgjegjshëm.

Pretendimi i tretë i OE ankues:

"Ngjashëm është vepruar edhe me menaxherin e punishtes ku është prezantuar z. Skender Loshi. Në kontratën e lidhur me datën 03.01.2020, në nenin 4, përcakton se orari i punës me punëdhënësin – anëtarin e grupit "ATC Com" shpk është përcaktuar orari i punës prej 40 ore në javë apo nga ora 08 deri në 16. Sipas listës së Punëtoreve të ATK-se, të prezantuar në oferte, z. Loshi, rezultoi të ketë punë sekondare me anëtarin e grupit ATC Com shpk. Pra edhe

z. Loshi me punë primare është i deklaruar ne institucion tjetër ne cilësi te mësimdhënësit ne Shkolle te mesme dhe jo me anëtarin e grupit ATC Com shpk, prandaj edhe kontrata e prezantuar ne oferte e lidhur me z. Loshin do duhej te konsiderohej si fiktive dhe jo reale dhe si e tille krijon alibi, meçe është e pa mundur qe një person te jete i kontraktuar me pune primare ne dy vende pune apo ne dy lokacione te ndryshme"

Ekspertja shqyrtuese lidhur me listat e pagave, kemi sqaruar se, punëtorët kyq në menaxhimin e aktivitetit të prokurimit, pra dy menaxherët përkatësisht i projektit dhe i punishtës në lista figurojnë me **pune sekondare**, kurse kontratat jane te lidhura **me orar te plote 40 ore** ne jave, pra kontratat e lidhura të punes nuk përkojnë me listën e pagave, **andaj pretendimi i OE ankues gjendet i bazuar.**

Pretendimi i katërt i OE ankues:

Ekspertja shqyrtuese ka vlerësuar se sqarimi i deklaratave nën betim dhe marrëveshjes së konzorciumit paraqesin ndryshim material, per faktin se këto dokumente janë kusht administrativ dhe nuk mund të sqarohen apo te ndryshohen.

Pretendimi i OE ankues gjendet i bazuar.

Pretendimi i pestë i OE ankues:

Sa i perket pretendimit lidhur me punëtorin e certifikuar për kulme të rrafsheta citat:

"Madje sipas Agjencise Shqiptare te Punesimit – ASHP, përkatësisht bazuar ne ueb faqen e tyre (<https://ashp.al/te-gjitha-kurset/>), rezulton qe i njejt Agjencion fare nuk certifikon persona tille lidhur me hidroizolimet te ftohta dhe te ngrohta, përkatësisht kulme te rrafsheta. Rrjedhimisht, kjo certifikate eshte fiktive sipas uebfaqes dhe AK bazuar ne nenin 59 dhe 72 te LPP-se do duhej te kerkonte sqarim dhe ta eliminonte ofertën e tille."

Ekspertja shqyrtuese pas analizimit në web faqe vëren se ky profesion nuk figuron, mirëpo ekspertja vlerëson se nuk është e nevojshme që ti shkruaj kompanisë, lidhur me certifikatën për verifikim, për arsye se OE i rekomanduar nuk ka plotësuar kushtin administrativ.

Pretendimi i gjashtë i OE ankues:

"Ngjashëm është vepruar edhe lidhur me inxhinierin z. Rrahman Safedini, ku ne shkresa te lendes nuk është prezantuar ndonjë reference për pune paraprakisht te realizuara, rrjedhimisht nuk e plotëson kërkesën dhe deshmime e përcaktuar tek kërkesat e kapacitetit teknik dhe profesional ku ne piken 9.1 dhe 9.2 te FDT-se është kërkuar CV, reference, përkatësisht përvoja e punës sipas periudhës se përcaktuar"

Ekspertja shqyrtuese sqaron se, në ofertën e OE të rekomanduar nuk posedon dëshmi të eksperiencës, si e tillë **pretendimi i OE ankues gjendet i bazuar.**

Tutje, pretendimi lidhur me certifikatën e punëtorit z. Arben Murseli, **pretendimi nuk gjendet i bazuar**, sepse sipas fakteve të prezantuara nga OE ankues, shohim se janë të pa akredituar, mirëpo AK në DT nuk ka specifikuar asgjë më shumë se të posedoj certifikatën. Kurse, sa i përket pretendimit lidhur me certifikatën për të cilën OE ankues pretendon se ka nderhyrje, ekspertja shqyrtuese nuk ka vazhduar me verifikim, për faktin se OE i rekomanduar nuk ka plotësuar kushtin administrativ.

Pretendimi tjetër i OE ankues citat:

"Ne ofertën e grupit të OE-ve të rekomanduar për dhënie të kontratës. z. Arben Murseli, është prezantuar në cilësi të drejtorit të anëtarit "ATC Com" shpk, sipas certifikatës së ARBK-së, është nënshkruar deklarata në Betim, në emër të tij në cilësi të Drejtorit të kompanisë, ndërsa tek lista e stafit mbështetës i njëjti është prezantuar në cilësi të Personit të certifikuar për drenazhim të dheut dhe për trajtim të mbetjeve të rrezikshme inerte, është prezantuar si person i certifikuar për siguri dhe shëndet në punë në cilësi të menaxherit, ndërsa sipas kontratës së datës 01.05.2021, se lidhur me vetveten rezulton që z. Arben Murseli është i kontraktuar me OE "Atc Com" shpk, me kualifikimet si: Ekonomist, gjeodet, person i certifikuar për armim, drenazhim, mbrojtje inerte dhe menaxher i punishtes."

Ekspertja shqyrtuese sa i përket pretendimit, në raportin me nr 1032/23 ka sqaruar se këto pozita mund të kërkojnë të sqarohen me njesinë kërkuuese, kurse AK në rivlerësim nuk ka dëshmi që është konsultuar me njësinë kërkuuese, mirpo sipas sqarimeve më lartë, konsideroj se nuk është e nevojshme për shkak se OE i rekomanduar nuk përmbushë kushtin administrativ.

Pretendimi i shtatë i OE ankues:

"AK – Komuna Peje, tendencën qëllimin e caktuar dhe shkeljen e parimeve baze të prokurimit publik e ka shperfaqur për faktin se raporti i ri vlerëimit të ofertave përmban datën 25.01.2024, ndërsa kërkesa për sqarim të tenderit referuar grupit të OE-ve të ri rekomanduar për dhënie të kontratës përmban datën 31.01.2024, përderisa përgjigja e dhënë nga OE të ri rekomanduar për dhënie të kontratës nuk përmban datë fare"

Ekspertja shqyrtuese pas analizimit dhe verifikimit të dokumenteve në e-prokurim sqaron se, raporti i rivlerësimit përmbanë datën 25.01.2024, në e-prokurim është e ngarkuar me datë 14.02.2024, kërkesa për sqarim nga AK përmbanë datën 31.01.2024, ndërsa përgjigja e OE të rekomanduar është publikuar me datë 06.02.2024.

Si përfundim, sipas sqarimeve më lartë, ekspertja shqyrtuese vlerëson se, AK duhet ta kthejë lëndën në rivlerësim, duke rekomanduar të njëjtën që procesin e rivlerësimit ta zhvillojë konform dispozitave ligjore të LPP-së, rregullores për prokurim publik nr. 001/2022 dhe udhëzuesit nr 001/2023 për prokurim publik.

REKOMANDIMI I EKSPERTIT SHQYRTUES

Duke u bazuar në sqarimet e lartpërmendura, eksperti shqyrtues i propozon panelit shqyrtues që ankesa e OE ankues të aprovohet si e bazuar, të anulohet njoftimi për dhënie të kontratës dhe rekomandon që lënda të kthehet në rivlerësim.

Raporti i ekspertit shqyrtues, lidhur me ankesën e parashtruar nga OE “**AAG PROJEKT**”, lidhur me aktivitetin e prokurimit “**Ndertimi i objektit të ri të Gjinnazit Shkencor Bedri Pejani – RITENDER**” me numër të prokurimit: “**635-23-10843-5-1-1**”, të iniciuar nga Autoriteti Kontraktues (AK) – **KOMUNA E PEJES**

Raporti i ekspertizës ti dorëzohet:

- Autoritetit Kontraktues – **KOMUNA E PEJES**
- Panelit Shqyrtues – **OSHP**
- OE ankues – **AAG PROJEKT**



Blerina Huruglica